

簡齋集

冊三

卷一

卷二

卷三

卷四

卷五

增廣箋註簡齋詩集卷第二十八

竹坡胡穉仲孺箋

甘棠驛懷李德升席大光

破驛難並休差池便薪水山川會心地還思對君子道邊千尺榕午

蔭清且美極知非世用我愛不能已

異物志榕樹栖栖長與少殊高出林表廣蔭原丘孰知初生葛

藁之傳嶺表錄異榕樹桂廣容南府郭之內多栽此樹葉如冬青秋冬不凋

東風吹南服莽莽綠萬里服

見二十卷再登岳陽樓詩

此地亦可耕胡爲璽予趾

淮南子楚欲攻宋墨子聞之自魯趨十日夜足重蠶而不

休息至於鄧見楚王

贈漳州守綦叔厚

叔厚名崇禮任翰林學士

過盡蠻荒興復新

興新見二十卷月夜詩

漳州畫戟擁詩人

見五卷香林詩

十年去國

九行旅

去國見十四卷過鄭倉臺詩孟子行旅皆欲出於王之塗

萬里逢公一欠伸

曲禮君子欠伸撰杖履

王粲登樓還感慨

登樓賦有云悽愴以感發今意切紀瞻赴召欲遂

巡

晉紀瞻永嘉初召拜尚書郎與顧榮同赴洛至徐州聞亂日甚各解船棄車牛不一夜行三百里還揚州明帝後以瞻爲散騎常侍

自表還家固辭不起詔曰瞻屢以年者繩床相對有今日繩床見十二卷題酒

病久逡巡告誠重違高志今聽所執務壁贖醉齋中軟脚春叔厚自兼直得漳州蒙犯霜雪以十二月到

郭子儀軟脚局字以寓意焉事見十七卷入南山詩東坡仇池筆記言唐人名酒多以春若國史補所載不凍春之類

宿資聖院閣

暮投山崦寺高處絕人羣遠岫林間見微泉舍後聞閣虛雲亂入江闊野橫分欲與僧為記今年懶作文

題大龍湫

曉行蒼壁中窮處仍高崖沈存中夢溪筆談予觀鴈蕩諸峯皆峭拔險怪上聳千尺穹崖巨谷不類它山皆包

在諸谷中自嶺外望之都無所見至谷中則森然干霄原其理當是為谷中大水衝激沙土盡去惟巨石巋然挺立耳如大小龍湫之類

皆是水鑿之穴自下望之則高巖峭壁從上觀之適與地平白龍三百丈欲下層顛來映日灑飛

雨繞山行怒雷潭影納浩蕩雲氣扶崔嵬小儒嘆造化辦此何雄哉

李太白瀑布詩挂流三百丈噴壑數十里歛如飛電來隱若白虹起初驚河漢落半灑雲天裏仰觀勢轉雄壯哉造化功韋蘇州聽江水

聲詩雷轉亦知天下絕尊者所徘徊夢溪筆談鴈蕩山天下奇秀處也頂有大池曰鴈蕩下有二潭

日大小龍湫按西域書乃羅漢諾矩羅所居唐僧貫休嘗贊矩羅云
鴈蕩經行雲漠漠龍湫宴坐雨濛濛今有經行峽宴坐峯蓋卽休句
以名三生清淨願見十四卷俗緣故難開俗緣見二十卷踐勝吾豈敢
稽首儻興哀昌黎汴州亂詩孤士何者自興哀

雨中宿靈峯寺

鴈蕩山中逢晚雨靈峯寺裏借繩床

繩床見十卷題酒務壁詩

只應護得綸巾角

還費高僧一炷香

角巾見二十卷贈傅子文詩綸巾見七卷和叔去鄭詩

自黃巖縣舟行入台州

宴坐峯前衝雨急黃巖縣裏借舟遲

宴坐峯見前龍湫詩

百年癡點不相補晉顧

愷之在桓溫府常云愷之體中癡點各半合而論之正得其平不相補見第一首

萬事悲歡豈可期莽莽滄

波兼宿霧紛紛白鷺落山陂只應江海淒涼地欠我臨風一賦詩歸去

來辭臨清流而賦詩

過下杯渡

一二云過鹽田渡

夜宿下杯館朝鳴一棹東湖平天盡落峽斷海橫通冉冉雲隨舸茫茫

茫鳥遡風仙人蓬島上遙見我乘空王維送晁秘監還日本詩積水不作極安知滄海東九州何處

去萬里若乘空

王孫嶺

已過長溪嶺更危伏龍莽莽向川垂斜陽照見林中石記得南山隱

去時

泛舟入前倉前倉並海屬温州平陽縣

曾鼓鹽田棹前倉不足言盡行江左路初過浙東村春去花無迹潮

歸岸有痕百年都幾日聊復信乾坤

送熊博士赴瑞安令

熊名彥詩字叔雅番陽人嘗為祠部郎知永州

衣冠衮衮相逢地草木蕭蕭未變時相逢衮衮見二十四卷江行野宿詩聚散同驚一

枕夢東坡和李公擇詩聚散細思都是夢悲歡各誦十年詩白樂天歲暮寄元微之詩枕上從妨一夜睡燈前讀

盡十山林有約吾當去白樂天投簡陽明洞天詩白首青山約抽身去得無蘇東坡送小本師詩林泉有舊約何

年掛天地無情子亦飢李翱與陸修書李觀之文章如此官止於太
瓶錫卒深知其不至者果誰哉信乎天地鬼神之無情笑領銅章非失計漢
於善人而不伐罪也甚矣為善者將安所歸乎彭寵書內聽驕婦之失計
縣令銅印墨綬朱叔元與深期見二十四
卷抵貞牟詩

夜賦

抱病喜清夜形羸心獨開

白樂天自嘆詩形羸自覺朝飢減

不知藥鼎沸錯認雨聲

來

劉夢得試茶詩驟雨松聲入鼎來

歲時燈燭麗天長鴻鴈哀書生惜日月欹枕意

茫哉

喜雨

秦望山頭雲昨日鸞鳳舉

陸機浮雲賦鸞翔鳳翥鴻驚鶴奮漢宣紀鸞鳳高舉

冥冥萬里風淅

淅三更雨小臣知君憂起坐聽簷語

東坡秋懷詩海風東南來吹盡三日雨空皆有餘滴似與幽人

語

風力有去來龍工雜文武燈花識我意一笑相媚嫵

漢張敞傳京兆眉撫蘇註

撫音嫵媚之嫵唐太宗曰我但見其嫵媚耳東坡於潛女詩逢郎樵歸相媚嫵

泥翻早朝路瀾瀾光欲吐

出城舟中詩稀星乍明滅暗水光瀾瀾

鬱然蒼龍闕

三輔舊事未央宮東有蒼龍闕北有玄武闕亦見三輔黃圖

佳

氣接南畝

佳氣見十四卷中次南陽詩

千官次第來

千官見十卷雪詩

豫色各眉宇

豫色見孟

子眉宇字見元德秀傳

記事以短篇不工還自許

短篇見二十四卷暝色詩

醉中

醉中今古興衰事詩裏江湖搖落時

老杜兼葭詩江湖後搖落亦恐歲蹉跎

兩手尚堪

盃酒用寸心唯是鬢毛知稽山擁郭東西去禹穴生雲朝暮奇

吳越春秋

禹藏書之所謂之禹穴史記司馬遷南游會稽探禹穴

萬里南征無賦筆茫茫遠望不勝悲

史南

張纘為湘州刺史述職經塗作南征賦

不見梅花六言

荆楚歲時經盡今年不見梅花想得蒼煙玉立都藏江上人家

梅花二首

一本云行市得梅一枝

鐵面蒼髯洛陽客

東坡真興寺詩鐵面眼有稜又榮老方丈詩山中只有蒼髯叟

玉顏紅領會稽僊

古詩燕趙多佳人美者顏如玉後漢輿服志絳緣領袖

街頭相見如相識恨滿東風意不傳

李太

白寄王宰詩春風傳我意草木度前知又長相思曲此曲有意無人傳

又

畫取維摩室中物小瓶春色一枝斜夢回映月窗間見不是桃花與

李花

天女獻維摩花見山水賦

雨

聽雨披夜襟衝雨踏晨鼓

昌黎病中詩不踏曉鼓朝

萬珠絡筍興詩中有新語杜

之弄水亭詩萬珠跳猛雨列子周穆王篇化人之宮絡以珠玉漢西域贊甲乙之帳絡以隋珠筍與見廿二卷絕句漢陸賈造新語老杜

解悶詩即今者舊無新語老龍經秋臥歲暮始一舉龍杜遣興蟄龍三冬臥成功亦何遲光采

變疏圃道邊開井溢

漢成帝時北宮井水溢

可笑遽如許

後漢左慈傳慈入羊羣化老羝人立而言

曰遽

如許舊山百尺泉不知旱與雨

□□□□
□□□□
尺泉

瓶中梅

明窗淨槩几

晉書王羲之詣門生家見槩几滑淨因書之

玉立耿無隣

桓溫薦譙元彥表抗節玉立誓不降

辱

紅綠兩重袂慙慙滿面春曾為庾嶺客

庾嶺見十二卷墨梅詩

本是洛陽人

閑居賦退而閑居于洛之涘又云梅李郁棣之屬繁榮麗藻之飾

老我何顏面東風處處新筆談歐公詩云

老我倦鞍馬誰能事哦吟王介甫詩云老我孤主恩結草以爲期此文章佳語也陳後山答王直方詩老我何所恨

增廣箋註簡齋詩集卷第二十八

珍倣宋版印

增廣箋註簡齋詩集卷第二十九

竹坡胡穉仲孺箋

除夜

疇昔追歡事如今病不能

杜九日登梓州城詩追歡筋力異

等閑生白髮

見十三卷至陳留詩

耐久是青燈

耐久見二卷建除體詩老杜宿鑿石浦詩青燈死分翳

海內春還滿

謝玄暉春晴詩春色滿皇

州江南硯不冰題詩錢殘歲鍾鼓報晨興

雨中

北客霜侵鬢南州雨送年未聞兵革定從使歲時遷古澤生春靄高
空落暮鴛山川含萬古鬱鬱在樽前

老杜寄賈嚴二閣老詩甘與歲時遷

渡江

江南非不好楚客自生哀搖櫂天平渡迎人樹欲來雨餘吳岫立日

照海門開雖異中原險方隅亦壯哉

屈原放江潭宋玉爲作招魂賦未云魂兮歸來哀江南北史庾

信仕南朝以聘西魏留長安因仕於周雖位望通顯常有鄉關之思乃作哀江南賦以致意

夙興

美哉木枕與菅席無耐當興戴朝幘木枕見七卷和景純詩巷南巷北聞鍛聲

杜偏及行我居巷南子巷北舍後舍前唯月色事國無功端未去竹輿伊鴉猶昨

日不見武林城裏事繁華夢裏生荆棘東坡和鮮于子駿詩繁華真一夢阮嗣宗詠懷詩繁華有

榮悴堂上生荆棘成壤由來幾古今乾坤但可着山澤西湖已無金碧麗雨

抹晴粧尙娛客東坡遊臨安功臣寺岡巒蔚回合金碧爛明絢又飲湖上初晴後雨詩水光瀲灩晴方好山色空濛雨亦

奇欲把西湖比西子會當休日一訪之摩挲蒼蘚慰崖石盧仝詩摩挲青莓答

莫噴驚着汝只恐冷泉亭下水發明白髮增嘆息李太白梁甫吟寧羞白髮照綠水老杜月詩能

添白髮明風賦發明耳目

幽窗

貧士工用短壯夫溺於詩淮南子說山訓物莫指其所修而用其短晉劉琨傳伯父訥曰周弘武巧於用短

破壁爲幽窗我筆還得持唐陸贄傳使臣持筆無所忌高鳥度遺影風扉語多時

杜甫詩風扉掩不定陳後山迨我休暇日與物聊同嬉伐木詩迨我暇矣歸田賦

追漁父古來賢哲人東坡日日出東門 吠畝策安危漢劉向免為庶人後上封事云

忠臣雖在畎畝猶不忘君倦倦之義也又云和氣 一行或大謬絕交

致祥乖氣致異祥多者其國安異衆者其國危

行作吏此事便廢司馬遷報任安書務一心營 半隱良亦癡唐書王龜性高

簡常以元福第賓客多更往來達 寄言山中友卽歲以爲期坻詩秋

里林下窮僻造半隱亭以自適

題伯時畫溫溪心等五馬元祐初西域貢三馬明年溫溪心有良馬不敢進請於邊吏願以餽

漠漠河西塵幾重年來畫馬亦難逢題詩記着今朝事同看聯翩五

疋龍杜秋日夔府詠懷詩兵戈塵漠漠龍馬見廿四卷江都王馬詩

休日馬上

休日不自休騎馬踏荒徑張安世傳休沐未嘗出 却扇受景風今朝我無病爾雅

四時和爲通正謂之景風 春雲閱晨耀羣綠澹相映山川與朝市一

動自一靜九衢行萬人誰抱此懷勝不得與之語蕭蕭寄孤詠

分明樓閣是龍門亦有溪流曲抱村萬里家山無路入十年心事有

誰論杜江村詩清江一曲抱村流

題崇蘭圖二首趙叔問居三衢治園築館取楚詞之言名之曰崇蘭嘗與先生及程致道從容其中命江

參貫道為之圖又令畫史各繪像其上乃賦詩焉今留叔問子平甫家叔問名子書常為禮部侍郎致道名俱終於

中書舍人徽猷閣

兩公得我色敷腴藜杖相將入畫圖見二十二卷九日詩我已夢中都識路秋

風舉袂不踟躕沈休文別范安成詩夢中不識路何以慰相思李善注云繆襲嘉夢賦曰心灼爍其如陽不識道之焉如

韓非子六國時張敏高惠二人為友每相思不能得見敏便於夢中往尋但行至半道即迷不知路遂回如此者三靜女詩搔首踟躕

又

奕奕天風吹角巾天風見第一詩角巾見二十一卷贈傅子文詩松聲水色一時新山林從

此不牢落照影溪頭共六人牢落見七卷連雨詩

秋夜獨酌

涼秋佳夕天氣廓河漢之涯秋漠漠月出未出林彩變幽人露坐方

獨酌東坡在告獨酌詩幽人自得佳蔭露坐方獨酌自歌新詞酒如空天星下飲觥船中忽

思李白不可見夜半喬木搖西風李太白有樽酒行玉壺美酒清若空又月下獨酌詩天若不愛酒酒

星不在天喬木見十百年佳月幾今夕佳月見一卷憂樂相尋老來

疾瓊瑤滿地我影橫添酒賦詩何可失

九日示大圓洪智

自得休心法悠然不賦詩忽逢重九日無奈菊花枝傳燈錄達摩辨大乘四行序此

是大乘安心法

劉大資挽詞二首

靖康要錄前資政殿學士北壁守禦官劉幹字仲偃建州人靖康二年正月虜欲用

為樞密不肯受復遣韓政諭之許以家屬行幹為謝觀少頗之是夕自書家信於片紙曰金人不以予為有罪而以

余為可用夫正女不事二夫忠臣不事兩君况主憂臣辱主辱臣死以順為正者此妾婦之道也此予所以有死也

付指揮使陳灌劉玠使乘間入城歸報諸子因闔戶以衣條自經而死虜曾大怒尸之於塗曰是不從大國之命者

久之事稍變灌等竊其尸瘞之蔬圃因逃入城中胡馬既去子羽同灌等出城棺斂時幾百日顏色如生觀者異

焉卒年六十一實乾道樞密玠之祖一字潛衮

天柱欹傾日堂堂墮虜圍

天柱見二十三卷別伯共詩南史梁元帝紀王僧孺勸進表天柱傾而更植遂

聞王蠋死

史記田單傳燕入齊聞畫邑王蠋賢引軍環之欲以爲將蠋因謝燕人曰子不聽吾屠畫邑蠋曰忠臣不事二君貞

女不更二夫與其生而無義固不如烹遂經其頸於樹枝自奮絕脛而死

不見華元歸見十九卷王道濟詩一代名

超古千年淚染衣當時如有繼猶足變危機

趙景真書常恐風波潛駭危機密發杜傷春詩

不成誅執法焉得變危機

又

一死公餘事由來虜亦人使知臨難日猶有不欺臣

公羊傳宣十五年子反曰以區

區之宋猶有不欺人之臣可以楚而無乎

河洛傾遺憤英雄艱後塵煌煌中興業公合冠

麒麟

漢宣帝甘露三年匈奴呼韓邪單于來朝上以戎狄賓服思股肱之美乃圖畫霍張等十三人於麒麟閣

與智老天涇夜坐

智老卽大圓洪智天涇姓葉名慰先生之子洪本之嘗從其學云

殘年不復徙他邦長與兩禪同夜缸坐到更深都寂寂雪花無數落

前窗

別賦冬缸凝兮夜何長靈光殿賦天窗綺疏注云高窗也

觀雪

無住菴前境界新瓊樓玉宇總無塵開門倚杖移時立我是人間富

貴人

西陽雜俎有人從翟乾祐指觀月見月規半天瓊樓金闕滿焉劉休元擬古詩玉宇來清風東坡水調歌只恐瓊樓玉宇高處

不勝寒陳後山春江秋野圖詩江山富貴人

題江參山水橫軸畫俞秀才所藏二首

江參字貫道俞秀才名愷字義仲

卷中衮衮溪山去筆下明明開闢初

王文考靈光殿賦上紀開闢邃古之初

不肯一禪

爲婦計

世說范宣潔行廉約韓豫章遺絹百匹不受減半及減至一匹終不受韓裂二丈與之曰寧可使婦無禪耶范笑而受之

俞郎作計未全疎

山谷贈李彥深詩斯人用意未全疎

又

萬壑分煙高復低人家隨處有柴扉此中只欠陳居士千仞崗頭一

振衣

見十六卷秋日詩

小閣晨起

紙帳不知曉鴉鳴吾當興開窗面老松相對寒峻嶒幸無公家責欲